

富順縣志卷之三十六

金石志

漢

董孝子墓表舊志聖燈山之近有漢益州刺史廣平侯董孝子之墓碑

宋

磨崖碑舊志皇祐七年知監張齊古題云西山城郭沿灘數里羣峯重疊一佛獨立容相端正真如塑出高聳數丈古代畱跡後倚林翠前瞰江碧圖記謂聖佛

富順縣志

卷之三十六

金石

鏡硯銘黃太史銘曰瀘之桂林有石黦黑瀘川之人不能有而富義有之以爲硯則宜筆而受墨唐安任君從簡之硯面爲鏡而背三足形駭天下若入山林不逢不若而不待訪諸禹也

中巖普覺院碑舊志天禧丁丑賜院名定康二年翰林學士李淑撰

都憲坊爲明都御史駱駟建也其後駱氏式微以坊出典朱菖不數年菖成進士欲毀其坊而爲己坊已鳩工不勝今昔之感竟中止之並刻其事於坊右歷今數百餘年字跡猶堪辨識

咸平獎諭李處榮勅舊志守臣黃裳跋章聖皇帝錄邦人李處榮



殄殲均賊之功擢榮州長史勅書藏於家

米芾第一山三字碑在鍾秀山麓邑人韋蕃立

銅鐘懸挂邑北三官堂大一圍中可容粟一斛上有楊升菴詩云
營邱居士李咸熙畫出雲山水墨奇何似雲仍臥雲子白雲嶺上
結茅茨按此鐘明嘉靖四十年造本成都物賊亂蜀攜用隨軍支
更流移邑北黃葛寺旁 本朝康熙間陳奇鑑楊輝等修建三官
堂始移置於此至今現存三官堂寺中

董元宰撰楊節婦碑

甘爲霖十景碑在啟聖祠壁

富順縣志

卷之三十六

金石

讀書臺碑

劉公隄碑公築隄瀦水立碑西湖塘岸

熊公課士碑在三清觀熊公前在富於觀中立課程教士乾隆戊
寅之冬調署彭山佩其教者立碑以誌不忘己卯秋熊公回任意
欲去之眾不可遂於庚辰秋建課士所於觀右以寔之前有曲成
門先月亭化龍池中有卓爾門景陽堂立堂後有一嘯園祿來堂
八卦亭課士所觀者以爲幽雅可傳故亦附之於古蹟金石內今
廢